

MADOG BENFRAS (fl. c. 1320-60), bardd

Enw: Madog Benfras
Rhyw: Gwryw
Galwedigaeth: bardd
Maes gweithgaredd: Barddoniaeth
Awdur: Ray Looker

o Farchwial yn sir Ddinbych. Rhoddir ei achau yn *Powys Fadog*: ' Madog Benfras ap Gruffudd ap Iorwerth, arglwydd Sonlli, ab Einion Goch ab Ieuf ap Llywarch ab Ieuf ap Niniaw ap Cynfrig ap Rhiwallawn.' Yr oedd ei ddau frawd, Llywelyn Llogell (person plwyf March'wial) ac Ednyfed, yn feirdd hefyd, a dywedir gan '[Iolo Morganwg](#)' mai Llywelyn ap Gwilym o Emlyn oedd eu hathro barddonol hwy ill tri. Enwa '[Iolo](#)' hwy ynglyn â'r olaf o'r tair eisteddfod a gynhaliwyd yn amser y brenin Edward III dywed mai Madog a enillodd y gadair a'r cae bedw yno am rieingerdd (ond nid oes unrhyw dystiolaeth arall am yr eisteddfodau hyn). Yr oedd yn gyfaill agos i [Ddafydd ap Gwilym](#) canodd y naill farwnad i'r llall, ond ni wyddys pa un ohonynt a fu farw gyntaf. Ychydig iawn o farddoniaeth Madog sydd ar gael, heblaw'r farwnad i [Ddafydd](#); canodd rai cywyddau serch, a chywydd i'r Halaenwr. Enwir ef fel erlynydd mewn achosion yn y llysoedd yn nhref Wrecsam yn 1340.

Awdur

Ray Looker

Ffynonellau

Ifor Williams a Thomas Roberts, *Cywyddau Dafydd ap Gwilym a'i Gyfoeswyr*, 1935 (xciii, 119)

Jones a Lewis, *Mynegai i Farddoniaeth y Llawysgrifau* (1928)

Llawysgrif Brogyntyn yn Llyfrgell Genedlaethol Cymru, Aberystwyth 2

NLW MSS 560, 834, 1260, 5269, 9111, 11087

Archaeologia Cambrensis, V, v, 258

Y Cymmrodor, xxi, 132

Oxford Dictionary of National Biography

History of the Princes, the Lords Marcher, and the Ancient Nobility of Powys Fadog, ii, 140

Iolo Manuscripts. A selection of Ancient Welsh Manuscripts ... from the collection made by Edward Williams, Iolo Morganwg (1848)

Darllen Pellach

Erthygl Wicipedia: [Madog Benfras](#)

Dolenni Ychwanegol

VIAF: [66285978](#)

Wikidata: [Q13129868](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Evch i'n [tudalen codi arian](#) am ragor o wybodaeth.

